

ԱՉԴԱՐԱՐ

ՏԵՂԵԿԱՏՈՒ ԱՌԱՋՆՈՐԴԱՐԱՆԻ ՀԱՅՈՑ ՔՈՒԷՅԹԻ ԵՒ ԱՐԱՐԱԿԱՆ ԾՈՑԻ ԵՐԿԻՐՆԵՐՈՒ ԹԵՄԻՆ
P.O.Box: 8157, Salmiyeh 22052- Kuwait. Tel: 965-25614392, Fax: 965-25638312, e-mail: prelacy@armenianprelacykw.org

ՆՈՐ ՇՐՋԱՆ, Է. Տարի, Թիւ 266, Ուրբաթ, 16 ՅՈՒՆՈՒԱՐ, 2015

ՀԱՄԱՅՆՔԱՅԻՆ

ՈՂՋԵՐԹԻ ԵՐԵԿՈՅ Ի ՊԱՏԻ ԲՈՒԷՅԹԻ Հ.Հ. ԴԵՍՊԱՆՈՒԹԵԱՆ ԽՈՐՀՐԴԱԿԱՆ ՏԻԱՐ ԱՐՄԷՆ ՍԱՐԳՍԵԱՆԻՆ

Շաբաթ, 10 Յունուար 2015-ի երեկոյեան, Քուէթի COSTA DEL SOL պանդոկին մէջ Հովանաւորութեամբ Թեմիս Կաթողիկոսական Փոխանորդ՝ Գերպ. Տ. Մասիս Ծ. Վրդ. Զօպուեանին եւ կազմակերպութեամբ Քուէթի Ազգային Վարչութեան տեղի ունեցաւ ողջերթի երեկոյ ի պատիւ Քուէթի Հ.Հ. Դեսպանութեան Խորհրդական Տիար Արմէն Սարգսեանին, Քուէթի մէջ իր պաշտօնավարութեան աւարտին:



Ողջերթի բացման խօսքը կատարեց Ազգային Առաջնորդարանի քարտուղարուհի՝ Տիկ. Արփի Միսաքեան: Ապա յաջորդաբար խօսք առին Ազգային Վարչութեան ատենապետ՝ Տիար Վարդան Նարինեանը, Թեմիս Կաթողիկոսական Փոխանորդը եւ Հ.Հ. Արտակարգ եւ Լիազօր Դեսպան՝ Տիար Ֆատէլ Զարչօղլեանը: Անոնք անդրադառնալէ ետք Պրն. Արմէնի կենսագրական կարեւոր հանգրուաններուն, համայնքի զաւակներուն մատուցած ծառայութեան, բժախնդիր եւ լուրջ աշխատանքին, հաստատեցին, որ ան յատուկ տեղ ունեցած էր եւ ունի Քուէթի գաղութին համար: Ապա խօսք առնելով Հ.Հ. Դեսպանութեան Խորհրդականը շնորհակալութիւն յայտնեց Դեսպանին, Հայր Սուրբին եւ Ազգային Վարչութեան անդամներուն ու ներկայ հիւրերուն, իր ուրախութիւնը յայտնելով, որ Քուէթէն մեկնելէ առաջ դարձեալ շրջապատուած է հարազատներով ու բարեկամներով:



Ողջերթի աւարտին Ազգային Վարչութիւնը ձեռամբ Դեսպանին, Հայր Սուրբին ու ատենապետին յիշատակի յուշանուէր մը յանձնեցին մաղթելով անոր եւ իր ընտանիքի անդամներուն յաջողութիւն եւ բարի երթ ու լուսաւոր ճանապարհ: Սոյն ողջերթին հրաւիրուած էին Քուէթի Արտաքին Գործոց նախարարութենէն պաշտօնէաներ, գաղութիս ազգայինները, հոգեւոր հովիւր, միութենական ներկայացուցիչներ եւ բարեկամներ:

ՀԱՅՈՑ ՑԵՂԱՍՊԱՆՈՒԹԵԱՆ 100 ԱՄԵԱԿԻՆ ՁՕՆՈՒԱԾ ՀՈԳԵԻՈՐ ԵՒ ԱԶԳԱՅԻՆ ԵՐԵԿՈՅ ԿԱԶՄԱԿԵՐՊՈՒԹԵԱՄԲ Հ. Ա. Ե. ՀՈԳԵԻՈՐ ԵՂԲԱՅՐԱԿՑՈՒԹԵԱՆ



Ուրբաթ, 9 Յունուար 2015-ին, Քուէթի Հայաստանեայց Առաքելական Եկեղեցոյ հոգեւոր եղբայրակցութիւնը ոգեկոչեց Հայոց Ցեղասպանութեան 100 Ամեակը, հոգեւոր ու հայրենասիրական երգերու երեկոյ մը կազմակերպելով, որ տեղի ունեցաւ Քուէթի Ս. Վարդանանց եկեղեցոյ մէջ, հովանաւորութեամբ Թեմի Կաթողիկոսական Փոխանորդ՝ Գերպ. Տ. Մասիս Ծ. Վրդ. Զօպունեանի, ներկայութեամբ գաղութիս հոգեւոր հովիւին, ազգային մարմիններուն ու միութենական ներկայացուցիչներուն: Հոգեւոր-ազգային երեկոն ծաղկեցուցին այս նպատակով յատուկ կերպով Ամերիկայէն ժամանած Տէր եւ Տիկ. Սարգիս եւ Սալբի Քալէշեանները:

Յայտագիրը սկսաւ Տէրունական աղօթքով, որմէ ետք բացման խօսքը կատարեց Պրն. Սաօ Հալէպլեան: Ան անդրադարձաւ Հայոց Ցեղասպանութեան 100 Ամեակի ոգեկոչման կարեւորութեան եւ պատմութեան ընթացքին հայ ժողովուրդի հաւատարմութեան՝ իր հայրենիքին եւ հաւատքին նկատմամբ: Ապա խօսք առաւ Հայոց Ցեղասպանութեան 100 Ամեակի Քուէթի յանձնախումբի ատենապետ՝ Պրն. Տիգրան Պայաթեան, որ խորհրդածեց հայ ժողովուրդի դարաւոր արժէքներուն, հաւատարմութեան եւ պահանջատիրութեան մասին:



Ապա գեղեցիկ փունջ մը շարականներով, հոգեւոր եւ ազգային երգերով ելոյթ ունեցաւ Սալբի Քալէշեան, որ իր երկնային ձայնով գմայլեցուց ներկայ հաւատացեալները: Անոր մեկնաբանած շարականներն ու հոգեւոր երգերը որպէս աղօթք բարձրացան առ Աստուած մեր մէկ ու կէս միլիոն անմահ հերոսներու հոգիներուն համար: Ապա Սարգիս եղբ. Քալէշեան կատարեց հոգեւոր ամփոփ խորհրդածութիւն մը, կեդրոնանալով «Հայուն գոյապատճառը» նիւթին շուրջ: Հոգեշունչ ձեռնարկին փակման խօսքը կատարեց Թեմի Կաթողիկոսական Փոխանորդը: Ան նախ գնահատեց Սարգիս եղբոր պատգամը, որ հոգեւորի կողքին ունէր նաեւ ազգային շեշտաւորում: Ան նաեւ բարձր գնահատեց Սալբի քրոջ աստուածատուր տաղանդը եւ բացառիկ ձայնը, գոր ան ի սպաս կը դնէ ի խնդիր Աստուծոյ փառքի տարածման: Հայր Սուրբը ըսաւ, որ Քալէշեան ամուրը ընտրեց Աստուծոյ բեմն ու դաշտը եւ աստուածատուր իրենց տաղանդները կը ծառայեցնեն Աւետարանական ճշմարտութեան եւ քրիստոնէական հաւատքի տարածման համար: Վերջաւորութեան Հայր Սուրբին պահպանիչով աւարտեցաւ օրուան յայտագիրը:

Հայոց Գեղասպանության 100 Ամեակի Քուկյթի Մարմնի ատենապետ՝ Պրն. Տիգրան Պայաթեանի արտասանած խօսքը Հոգեւոր Եղբայրակցության ձեռնարկին.-

Քերասպատիւ Հայր Սուրբ,

Յարգարժան ներկայացուցիչներ Ազգային Մարմիններու,



100 տարի է անցել այն հրեշաւոր իրադարձութիւններից, որին զոհ գնացին մէկ ու կէս միլիոն հայեր:

Օսմանեան թուրք պետութեան ծրագրած ու գործադրած ցեղասպանութեամբ բնաջնջուեց մեր ազգի կէտը եւ հայրենագրկուեց մի ամբողջ ժողովուրդ: Մակայն տարագիր դարձած այդ նոյն ժողովուրդը կարողացաւ կարճ ժամանակում հաւաքել իր ուժերն ու կազմակերպել ազգային կեանքը, ստեղծել դպրոցներ, եկեղեցիներ, բարեգործական եւ քաղաքական հաստատութիւններ:

Արդարեւ, անցնող հարիւր տարիների ընթացքում եկեղեցին, քաղաքական կուսակցութիւնները, հայ դատի գրասենեակները եւ հայրենի իշխանութիւնները, ոչ միայն վառ պահեցին հայոց մեծ եղեռնի նահատակների յիշողութիւնը, այլ եւ ապացուցեցին, որ մենք ամուր ենք մեր կրօնական եւ ազգային ինքնութեան մէջ եւ պահպանում ենք մեր առանձնայատկութիւնները ու էութիւնը:

Այս օր՝ Հայաստանեայց եկեղեցւոյ հոգեւոր եղբայրակցութեան կազմակերպած այս երեկոն, իր բնոյթով եւ բովանդակութեամբ եւս դրսեւում է Քրիստոնէութեանը եւ ազգային արժեքներին կառչած մնալու մեր ազգային վճռականութիւնը:

Մակայն դա չէ միայն հարիւր ամեակի նուիրուած ձեռնարկների խորհուրդը: Այլ ինչպէս վեհափառն է հորդորում հայ ժողովուրդին ուղղուած մեծ եղեռնի Հարիւր ամեակին նուիրուած իր կոնդակով՝ այլ այն, որ այսօրուանից, մենք շարունակում ենք պայքարը՝ համազգային մաշտապով եւ վերանորոգ թափով, առաւել ուժ հաղորդելով պահանջատիրութեանը եւ զայն փոխադրելով միջազգային օրէնքի դաշտ, որպէսզի՝ 2015 թուականը դառնայ անկիւնադարձային եւ մենք անցում կատարենք ցեղասպանութեան ճանաչման պահանջից՝ դէպի ցեղասպանութեան հետեւանքների վերացման եւ հատուցման փուլ:

Այս առումով հայ դատի պահանջատիրական պայքարը երկարատեւ գործընթաց է եւ 100ամեակը միայն սկիզբն է վերանորոգուած ուխտով լծուելու մեր պայքարի նոր փուլի աշխատանքներին:

Այս տարուան 100 ամեակին նուիրուած ձեռնարկների շարքում մեր քուկյթեան ազգային կեանքում, այսօրուան ձեռնարկը առաջինն է:

100 ամեակի յանձնախումբի անունից ողջունում եմ Հոգեւոր Եղբայրակցութեան կազմակերպած այս երեկոն եւ բարի երթ մաղթում մեր բոլոր ազգանուէր աշխատանքներին:



مجلس
دار الفتوى
في الجمهورية اللبنانية
الكويت

التاريخ : 15 ربيع الأول 1436 هـ
الموافق : 06 يناير 2015م
رقم الإشارة : د.ف.ك. 2015/002

المكرم
الأجلاء

سيادة المطران / ماسيسر زوبيان
وأعضاء مطرانية الأردن الأرثوذكس
تحية من عند الله ورحمته وبركاته ،

نتقدم بخالص المحبة لكم ولرعايتكم الكريمة في الكويت وفي شتى أنحاء العالم بأسمى آيات
التهناني والتبريكات بمناسبة أعياد الميلاد المجيدة أعادها الله علينا وعليكم جميعاً بالسلام والمحبة
والتآخي ، آمليين من الله عز وجل أن تكون أيام مباركة وخير على البشرية جمعاء .

وكلا عام وأنتم ينهر ...

أخوكم

الحاج/ حسان وفييق حوحو

رئيس لجنة دامر الفتوى الجمهورية اللبنانية

في دولة الكويت



المفوضية العليا للأمم المتحدة لشؤون اللاجئين

تلفون : ٩٧٥ ٢٤٢٠٨٠٠٠ / ٢٤٢٠٨١٩٢
فاكس : ٩٧٥ ٢٤٢٨٣٩٢
بريد إلكتروني : kuwku@unhcr.org

ص.ب. : ٢٨٧٤٢
الرمز البريدي : ١٣٤٨
دولة الكويت

MISC/ 005

7 January 2015

H.E.V.Rev. Massis Zobouian
Patriarchal Vicar of Kuwait
Armenian Orthodox Church
The State of Kuwait

Your Excellency,

The Office of the United Nations High Commissioner for Refugees (UNHCR) in the State of Kuwait presents its compliments to Your Excellency. And on behalf of myself, I would like to present my apologies for not being able to attend the Christmas Mass at the Armenian Orthodox Church of Kuwait and Gulf Countries on Tuesday 6 January, due to being out of the country at the time.

Please accept our assurances of our highest consideration and wishing Your Excellency and the Christian community a Merry Christmas.



2 of 3

Embassy
of The Kingdom
Of Bahrain - Kuwait
Ambassador's Office



سفارة مملكة البحرين
الكويت
مكتب السفير

الكويت في 6 يناير ٢٠١٥

سعادة المطران ماسيس زوبويان المحترم

النائب البطريركي لمطرانية الأرمن الارثوذكس في دولة الكويت

تحية طيبة وبعد،

يطيب لي التقدم لسعادتكم بخالص التهاني والتبريكات بمناسبة عيد الميلاد المجيد،
سائلاً المولى العليّ القدير أن يعيد هذه المناسبة المجيدة عليكم وأنتم تتمتعون بموفور الصحة
والسعادة.

كما يسرني ويشرفني قبول دعوة سعادتكم لحفل الاستقبال، إلا أنه يؤسفني أن اقل
لكم اعتذاري لعدم تمكيني من المشاركة بالحضور نظراً لتواجدي خارج دولة الكويت.

وتفضلوا بقبول فائق التقدير والاحترام.

،، وكل عام وأنتم بخير ،،

خليفة بن حمد آل خليفة

سفير مملكة البحرين لدى دولة الكويت

هاتف : ٢ / ١ / ٢٥٣١٨٥٣٠ - فاكس : ٢٥٣٣٠٨٨٢ - ص . ب : ١٩٦ الصفاة ١٣٠٠٢ الكويت
Tel.: 25318530 / 1 / 2 - Fax : 25330882 - P.O. Box : 196 Safal 13002 Kuwait

ՀԱՅԿԱԿԱՆ

**Նախագահին Նստավայրին Մէջ Խորհրդակցութիւն՝
Գիւմրիի ՌՃԻԻ Հարցին Շուրջ**

Հայաստանի Հանրապետութեան նախագահ Սերժ Սարգսեան Չորեքշաբթի օր երեկոյեան իր նստավայրին մէջ գլխաւորած է խորհրդակցութիւն մը՝ մասնակցութեամբ Հայաստանի Հանրապետութեան գլխաւոր դատախազ Գեորգ Կոստանեանի:

Քննարկուած է 12 Յունուարին Գիւմրիի մէջ տեղի ունեցած յանցագործութեան մեղաւոր Վալերի Փերմեաքովին հարցը:

Փերմեաքովը Հայաստանի մէջ դատելու պահանջով Չորեքշաբթի օր բազմամարդ բողոքի ցոյցեր տեղի ունեցած են Գիւմրիի եւ Երեւանի մէջ:

Քայլարշաւ կազմակերպուած է նաեւ դէպի նախագահին նստավայրը: 300-է աւելի քաղաքացիներ կոնակ դարձուցած են նախագահական նստավայրին դիմաց՝ ի նշան Հայաստանի Հանրապետութեան նախագահին նկատմամբ արհամարհանքի: Թէեւ քայլարշաւը ինքնաբոյլի եղած է, սակայն երթը ղեկավարած են քաղաքացիական գործիչներ Արգիշտի Քիվիբեան եւ Դանիէլ Իոնիսեան: Շարժումին մասնակիցները պահանջած են Գիւմրիի մէջ կատարուած սպանդին կապակցութեամբ սզոյ օրեր յայտարարել եւ Փերմեաքովին դատը փոխանցել Հայաստանի Հանրապետութեան իրաւապահներուն: Շարժումին մասնակիցներուն նախագահական նստավայրէն տեղեկացուցած են, որ հինգշաբթի կը պատասխանեն ներկայացուած պահանջին:



Նշենք, որ Աւետիսեաններու ընտանիքի անդամներուն հոգեհանգիստը տեղի ունեցաւ Չորեքշաբթի օր, Երեւանի ժամանակացոյցով երեկոյեան ժամը 5:00-ին, Գիւմրիի Ս. Նշան եկեղեցոյ մէջ, իսկ յուղարկաւորութիւնը տեղի պիտի ունենայ այսօր, կէսօրէ ետք ժամը 1:00-ին:

Հայաստանի Հանրապետութեան նախագահի նստավայրին մէջ տեղի ունեցած խորհրդակցութենէն ետք դատախազ Գեորգ Կոստանեան պատասխանելով «Ազատութիւն»

ձայնասփիւռի կայանի հարցումին ըսած է. «Կը վստահեցնեմ, որ յանցագործը քրեական պատասխանատուութեան պիտի ենթարկուի Հայաստանի Հանրապետութեան տարածքին մէջ, եւ մենք բոլորս կարելիութիւնը պիտի ունենանք թէ՛ հետեւելու ամբողջ ընթացակարգին եւ թէ՛ կ'ունենանք առիթը տեսնելու պատասխանատուութեան ենթարկելու հոլովոյթը: Հայաստանի Հանրապետութիւնը ուրիշին որեւէ բան չի զիջիր»:

**Փերմեաքովի Հարցով
Խորհրդակցութիւն Երեւանի Մէջ**

Գիւմրիի 102-րդ խարխախի շրջակայքը հաւաքուած բողոքի շարժումին մասնակիցներուն հետ հանդիպելու եկած Շիրակի մարզի դատախազ Բաֆֆի Ասլանեան, գլխաւոր դատախազ Գեորգ

Կոստանեանի հետ հեռաձայնային հաղորդակցութենէն ետք, վկայակոչելով գլխաւոր դատախազը, նշած է, որ Աւետիսեաններու ընտանիքի 6 անդամներուն սպանութեան համար մեղադրուող զինուոր Վալերի Փերմեաքովի հետագայ ճակատագիրին վերաբերեալ սկսած են խորհրդակցութիւններ, որոնք պիտի շարունակուին նաեւ հինգշաբթի:



«Խորհրդակցութիւններու աւարտէն ետք դատախազութիւնը յայտարարութիւն մը պիտի ընէ», ըսած է Ասլանեան:

Շիրակի մարզի դատախազը ցուցարարներուն թելադրած է բողոքի շարժումը շարունակել Շիրակի մարզի դատախազութեան շէնքին մօտ:

«Մարզի դատախազը Վալերի Փերմեաքովը հոս բերող, դատողը չէ: Ոչ որ մարզի դատախազէն աւելի թող մտածէ: Այստեղ կանգնելով ոչինչ կը փոխէք, գործին օգուտ չենք տար, եկէք երթանք դատախազութեան շէնքին մօտ: Առանց լրագրողներու, քանի մը հոգի կրնան բարձրանալ վեր, ուր կը բացատրենք մեր ընելիքները: Այստեղ կենալով բան չի փոխուիր: Կ'առաջարկեմ շարժիլ դէպի դատախազութեան շէնք», այսպիսի խօսքերով դատախազը փորձած է զայրացած գիւմրեցիները ռուսական 102-րդ խարխիսխէն տեղափոխել դատախազութեան շէնք:

Յայտնենք, որ Գիւմրիի սպանդին համար մեղադրուող Վալերի Փերմեաքով կալանաւորուած կը մնայ այս խարխիսի մէջ: Գիւմրեցիները կը պահանջեն Փերմեաքովն ու անոր դատը յանձնել հայկական կողմին:

Ցուցարարները 22 ժամ տուած են դատախազութեան՝ խոստանալով 22 ժամ ետք կրկին հաւաքուիլ եւ դատախազութեան պատասխանին հիման վրայ որոշել իրենց հետագայ քայլերը:

«Պէտք Զէ Իշխանութեան Մէջ Միայն Թշնամի Տեսնել» Կ'ըսէ Ադուան Վարդանեան

Հայ յեղափոխական դաշնակցութեան Հայաստանի Գերագոյն մարմնի անդամ, ՀՅԴ խմբակցութեան քարտուղար Ադուան Վարդանեան համաձայն է, որ իշխանութեան բնոյթն ու վարքագիծը կրնան թերահաւատութեան պատճառ դառնալ, մտածելու տեղիք տալ, թէ ի՛նչ շարժառիթ ունի իշխանութիւնը՝ սահմանադրական բարեփոխումներու նախաձեռնելու եւ հրաժարելու իշխանութեան մենաշնորհէն:

Tert.am լրատու կայքին հետ զրոյցին ընթացքին, սակայն, ՀՅԴ պատգամաւորը նշած է, թէ կարելի չէ ըսել, որ իշխանութեան մէջ երկրի ապագային մասին մտածող մարդիկ չկան:

«Ես չեմ խորհիր, որ իշխանութեան մէջ պէտք է տեսնել միայն թշնամի, վատ կամեցող եւ երկրին կամ ապագային մասին մտածելու անընդունակ մարդիկ: Ես կը կարծեմ, որ իսկապէս այն մասնագիտական յանձնախումբը, որ սահմանադրական բարեփոխումներու հայեցակարգը մշակած է, իսկապէս արհեստավարժ աշխատանք կատարած է, եւ երբ արհեստավարժները կը ներկայացնեն գոյութիւն ունեցող խնդիրները եւ ասկէ դուրս գալու ուղիները, ասիկա կրնայ տարածուիլ նաեւ իշխանութեան ներկայացուցիչներուն վրայ: Բազմաթիւ մարդիկ նաեւ կը

մտածեն, կը տեսնեն, թե այս ընթացքին երկիրը ո՛ր կ'երթայ: Մենք կը տեսնենք, թե երկիրը ուր կ'երթայ, եւ այդտեղ կարելի է, որ մարդիկ մտածեն նաեւ երկրին մասին», ըսած է ան:

Ադուան Վարդանեան չէ բացառած, որ նոյն իշխանութիւնը նման քայլ առնելով, կրնայ ունենալ նաեւ իր խնդիրներն ու նպատակները: «Ես ատիկա չեմ բացառեր, բայց եթէ ընդհանուր ուղղութիւնը երկրին համար դրական է, ինչո՞ւ ոչ: Ես ըսած եմ, որ չեմ բացառեր, որ ի վերջոյ իշխանութեան բնոյթն ու տեսակը փորձէ մէկ-երկու տարի շարունակել աշխատիլ, օգտուիլ այդ կարելիութիւններէն, ատիկա կ'ըլլայ միայն ժամանակի խնդիր. երբ համակարգը կը սկսի աշխատիլ, օրէնքները կը սկսին աշխատիլ, անձերու դերակատարութիւնը, մենիշխանութիւնը կամաց-կամաց կը վերանայ», ըսած է ան եւ աւելցուցած, որ իշխանութիւն ըսուածը այսօր յարաբերական է:

«Կրնանք ըսել, որ Հայաստանի հանրապետական կուսակցութիւնը մէկ անձով դեկավարուող կուսակցութիւն է, եւ մէկ անձ կ'որոշէ կուսակցութեան ե՛ւ քուէարկութիւնները, ե՛ւ ուղղուածութիւնը, եւ այլն, եւ այլն, եւ ես չեմ բացառեր, որ այնտեղ մարդիկ կան, որոնք կը հաւատան, որ երկրին ապագան այսպէս չի կրնար շարունակուիլ», ըսած է ան:

Պատգամաւորը բերած է օրինակը Վրաստանի, ուր նման փոփոխութիւններու նախաձեռնեց նախկին նախագահ Սահակաշվիլին: «Սահակաշվիլին ըրաւ նոյն նպատակներով, կ'ենթադրէր, թէ ինքը կը մնայ իշխանութեան մէջ, վարչապետ կը դառնայ եւ այլն, բայց չգործեց այդ համակարգը, փոխուեցաւ: Նոր իշխանութիւնը փորձեց ստուերէն կառավարել երկիրը, Իվանիշվիլին, որ ոչինչ կը ներկայացնէր, բայց ինք կը ներկայացնէր՝ ով ուր պետք է ըլլայ: Բայց երբ ստուերային աշխատելառճը դարձաւ բացայայտ, այս աշխատելառճը, համաձայնական դաշինքը քանդուեցաւ, եւ արդէն մեքանիզմները սկսան աշխատիլ: Նոյնը, վստահ եմ, կ'ըլլայ մեր մօտ, եթէ ըլլայ մեր պատկերացուցած լաւ սահմանադրութիւնը, ասիկա շատ արագ այդ հարցերուն պատասխանը կու տայ», նշած է ան:

Ուորլիք. «Յառաջիկայ Շաբաթներուն Հայաստանի Եւ Ազրայէճանի Արտաքին Գործոց Նախարարներուն Միջեւ Հանդիպում Մը Տեղի Կրնայ Ունենալ»

Ազրայէճանական ԱՓԱ լրատու գործակալութիւնը կը հաղորդէ, որ ԵԱՀԿ-ի Մինսքի խմբակի ամերիկացի համանախագահ Ճեյմս Ուորլիք ըսած է, որ Հայաստանի շրջան իրենց յաջորդ այցելութեան ժամկէտը տակաւին յստակ չէ:

«Տարուան ընթացքին (2014-ին) մենք բազմիցս ականատես եղանք, որ շփման գիծին մէջ որեւէ բռնութիւն ապակայունացում կը ստեղծէ եւ կրնայ կողմերուն միջեւ լարուածութեան վտանգաւոր սրման պատճառ դառնալ», ըսած է ան:

Դիւանագէտներուն խօսքով՝ զինուորական գործողութիւնը կրնայ տապալել Լեռնային Ղարաբաղի տագնապը խաղաղ ճամբով լուծելու ջանքերը:

«Կողմերու տեսակէտները լսելու համար մենք պարբերաբար կ'այցելենք շրջան, սակայն մեր հերթական այցելութեան ժամկէտը տակաւին յստակ չէ: Յառաջիկայ շաբաթներուն ընթացքին հաւանական է նաեւ մեր հանդիպումը կողմերու արտաքին գործոց նախարարներուն հետ:

«Մենք յոյսով ենք, որ նախարարները պիտի հանդիպին եւ պիտի կարենան քննարկել յառաջ շարժելու ուղիները: Մենք նաեւ յոյս ունինք, որ նախագահները պիտի կատարեն հոկտեմբեր 2014-ին ստանձնած իրենց պարտավորություններն ու պիտի շարունակեն երկխոսությունը», ըսած է ան:

Ուորլիք նշած է, որ բանակցային ճամբով խնդիրի լուծումը կարելի պիտի ըլլայ միայն իրարու հետ աշխատելու քաղաքական կամքի գոյութեան պարագային:

Շփման Գիծին Վրայ Դիտարկումը Ընդհատուած Է Ագրպէյճանցիներուն Կրակոցին Պատճառով

ԵԱՀԿ-ի առաքելութիւնը Լեռնային Ղարաբաղի եւ Ագրպէյճանի զինուած ուժերու շփման գիծին վրայ ծրագրային դիտարկում կատարած է Հատրութի ուղղութեամբ՝ Հորատիզ բնակավայրի մօտակայքը:



Լեռնային Ղարաբաղի արտաքին գործոց նախարարութեան տեղեկատուութեան եւ հասարակութեան հետ կապերու վարչութեան փոխանցումով՝ դարաբաղեան կողմը ԵԱՀԿ-ի առաքելութիւնը դուրս բերած է իր յառաջապահ դիրքերը, սակայն ագրպէյճանական կողմէն արձակուած կրակոցին պատճառով առաքելութեան ներկայացուցիչները, անվտանգութեան նկատառումներէ մեկնած, նպատակայարմար նկատած են ընդհատել դիտարկումը:

Ռուս Զինուոր Վալերի Փերմէաքով Խոստովանած Է Յանցանքը

Գիւմրիի մէջ 12 Յունուարին ընտանիքի 6 անդամներուն սպանութեան մէջ կասկածելի, ռուսական 102-րդ խարիսխի զինուոր Վալերի Փերմէաքով խոստովանած է յանցանքը: Այս մասին յայտարարած է Հայաստանի Հանրապետութեան ոստիկանապետի առաջին տեղակալ Յունան Պօղոսեան՝ Գիւմրիի մէջ տեղի ունեցած մամլոյ ասուլիսի մը ընթացքին: «Վալերի Փերմէաքով պատմած է, որ քաղաք գացած է զբօսնելու, մտած է այդ տունը, ուր ալ տեղի ունեցած է կատարուածը: Ձերբակալուած անձը կը շարունակէ մնալ ռուսական խարիսխին մէջ», ըստ «Արմէնփրես»-ին , ըսած է Պօղոսեան, ընդգծելով, որ կը շարունակուին յանցագործութեան բացայայտման բոլոր փորձերը: Ռուս սահմանապահները կասկածելին յայտնաբերած են հայթորքական սահմանը հատելու ընթացքին եւ յանձնած 102-րդ ռուսական խարիսխի հրամանատարութեան:

Ըստ Յունան Պօղոսեանի, Փերմէաքով յայտնաբերման պահուն եղած է քաղաքացիական հագուստով: Անոր նախնական յայտարարութեան համաձայն, ան սահմանը անցնելու ցանկութիւն չէ ունեցած, միայն ճամբուն վրայ պահուրտած է: Փոխոստիկանապետը նաեւ յայտնած է, որ ըստ նախնական տեղեկութիւններու, Փերմէաքով գործած է առանձին:

www.aztagdaily.com

Ռուսիոյ Բանակի Ջորավարը Նախարար Օհանեանին Տեղեկացուց Փերմեաքովի Ձերբակալման Ընթացքին Մասին

Հայաստանի պաշտպանութեան նախարար Մէրան Օհանեան Գիւմրիի մէջ Չորեքշաբթի օր տեսակցած է Ռուսիոյ պաշտպանութեան նախարարի առաջին տեղակալ, բանակի զօրավար Արկադի Պախինի հետ: Վերջինս Մէրան Օհանեանին ներկայացուցած է Գիւմրիի յանցագործութեան բացայայտման ուղղութեամբ Ռուսիոյ պաշտպանութեան նախարարութեան յանձնախումբին կողմէ կատարուած աշխատանքները:



Ջորավար Պախին մասնաւորապէս տեղեկացուցած է զինուոր Վալերի Փերմեաքովի ձերբակալութեան, ռուսական 102-րդ խարիսխին մէջ կատարուող ներքին ծառայողական քննութեան ընթացքին մասին եւ պատրաստակամութիւն յայտնած է շարունակելու համագործակցութիւնը Հայաստանի Հանրապետութեան իրաւապահ մարմիններուն հետ՝ յարուցուած քրեական գործի ծիրին մէջ:

Հայաստանի Հանրապետութեան պաշտպանութեան նախարարը թելադրած է շարունակել համադրուած աշխատանքը երկու պետութիւններու պաշտպանական կառոյցներուն միջեւ՝ յանցագործութիւնը ամբողջութեամբ բացայայտելու գործին մէջ իրաւապահ մարմիններուն աջակցելու ուղղութեամբ:

Վալերի Փերմեաքով Առաջին Անգամ Չէ, Որ Փախուստի Կը Դիմէր

Ռուսական լրատու գործակալութեան մը հետ զրոյցին ընթացքին, Վալերի Փերմեաքովի ծառայակից ընկերները կարգ մը մանրամասնութիւններ պատմած են անոր մասին: Ըստ անոնց, Փերմեաքով Չիթա քաղաքէն է եւ նախապէս փախուստի փորձ մը եւս կատարած է, որովհետեւ չէ ուզած ծառայել: Փախուստի առաջին փորձէն ետք ան հիւանդանոց փոխադրուած է, սակայն զոջացած է եւ գրած, որ զինք «դուրս չհանեն»:

Ծառայակիցները ըսած են, որ Փերմեաքով, ընդհանուր առմամբ, հաղորդական, ընկերային տղայ է, եւ չեն հաւատար, որ ան կրնար նման բան ըրած ըլլալ: Ի դէպ, մինչեւ զօրակոչուիլը Փերմեաքովի վրայ կեղրոնացած է իրաւապահներու ուշադրութիւնը: Անոր եղբայրը բանտարկուած է սպանութեան յանցանքի համար:

Փերմեաքովին Հայրը Ցաւակցութիւն Ցայտնած է Եւ Խօսած Անոր Մասին

«Նովոսթի Արմէնիա»-ն գրած է, որ խմբագրութիւն հեռաձայնած է անձ մը, որ ներկայանալով իբրեւ Վալերի Փերմեաքովի հայրը, ցաւակցութիւն յայտնած է զոհերուն հարազատներուն: Գործակալութիւնը նշած է, որ Փերմեաքովի հայրը չէ հաստատած շրջանառուող այն տեղեկութիւնը, թէ իր որդին նախապէս ալ փախուստ տուած է բանակէն, եւ ըսած, որ ան մեծ սիրով ծառայած է բանակին մէջ:

Ըստ Փաւել Փերմեաքովի, իրենց համար անհասկնալի է կատարուածը, Վալերի երբեք չէ բողոքած, գոհ եղած է զինուորական ծառայութենէն: Փերմեաքովին հայրը նաեւ պատրաստակամութիւն յայտնած է գործակցելու հետաքննութեան հետ: «Նովոսթի Արմէնիա»-ն գրած է, որ իր տրամադրութեան տակ ունի տուեալ անձին հետ հեռաձայնային հաղորդակցութեան ձայնագրութիւնը, որ շուտով պիտի հրատարակէ:

«Սպաննած Է՝ Վախնալով, Որ Զինք Կը Մատնեն». Ռուսական Լրատու Միջոցներու Անդրադարձը

Ռուսական «Լայֆնիուզ»-ը անդրադարձած է Գիւմրիի սպանդին եւ Վալերի Փերմեաքովի դրդապատճառներուն: Ըստ «Լայֆնիուզ»-ին, Փերմեաքով չէ ուզած ծառայել բանակին մէջ, իսկ մարդիկը սպաննած է՝ վախնալով, որ զինք կը մատնեն: «Հարցաքննութեան ժամանակ Փերմեաքով յայտարարած է, որ չէ ծրագրած մարդասպանութիւնը: Միայն փախուստը ծրագրած է:

Թրքական Կայքերը Անդրադարձած Են Գիւմրիի Ողբերգութեան



Թուրքական «Փոփ10 հապեր» եւ «Պիւկիւն» եւ Bugun կայքերը անդրադարձած են Գիւմրիի մէջ տեղի ունեցած ողբերգութեան: «Զերբակալուած է 6 մարդ սպաննած ռուս զինուորականը» վերնագիրով յօդուածներուն մէջ կայքերը յատուկ արձագանգ չեն տուած, միայն տեղեկացուցած են դէպքին մասին: Թրքական կայքերուն մէջ նշուած է, որ ռուս զինուորականի յանցագործութեան պատճառը տակաւին յայտնի չէ: Ողբերգութեան մասին յօդուածը մեծ տարածում գտած է:

Երեւուան Համերգը Տեղի Չունեցաւ

Երեւանի քաղաքապետ Տարօն Մարգարեանի Դիմատետրի էջին մէջ երեկ գրուած էր հետեւեալը. «Յարգելի համաքաղաքացիներ, Երեւանի քաղաքապետարանին կողմէ, մայրաքաղաքի Հանրապետութեան հրատարակչին վրայ 13 Յունուարի ժամը 20:00-ին նախատեսուած համերգը տեղի պիտի չունենայ, Գիւմրի քաղաքին մէջ տեղի ունեցած ողբերգական դէպքին պատճառով: Կը ցաւակցիմ Աւետիսեաններու ընտանիքի հարազատներուն եւ բոլոր զիւմրեցիներուն»:

Մոմավառութիւն՝ Ի Յիշատակ Աւետիսեաններու Ընտանիքին

Երեւանի Ազատութեան հրատարակչին վրայ Չորեքշաբթի օր երեկոյեան կազմակերպուած է մոմավառութիւն, ի յիշատակ Աւետիսեաններու ընտանիքին, որուն անդամներուն հոգեհանգիստը տեղի պիտի ունենայ այսօր, իսկ յուղարկաւորութիւնը՝ 15 Յունուարին:

ԱՆՆԱԴԱՐՁ

100-Ամեակ Մը Ընդդէմ 100-Ամեակի



Թրքական «Չանաքքալէ» կայքը կը հաղորդէ, որ Թուրքիոյ Չանաքքալէ քաղաքի երիտասարդական միութիւնը Չանաքքալէի (Կալիփոլի) ճակատամարտի 100-ամեակին առիթով քաղաքին մէջ պիտի կազմակերպէ «Խաղաղութիւն-2015» խորագիրով նախաձեռնութիւն մը, որուն պիտի մասնակցին 9 երկիրներէ, ներառեալ՝ Հայաստանէն երիտասարդներ: Կը հաղորդուի, որ նախագիծի 36 մասնակիցները պիտի խօսին մարդկային իրաւանց, ժողովրդավարութեան, մշակութային բազմազանութեան նիւթերու շուրջ, պիտի զարգացնեն ընկերային ցանցի օգտագործման հմտութիւնները եւ պիտի աշխատին ամբողջ տարին շարունակ համացանցային «Խաղաղութիւն 2015» արշաւի ծրագրաւորման համար: Աւելի՛ն, ընկերային ցանցի միջոցով արշաւի ծիրին մէջ պիտի քարոզուի խաղաղութեան գաղափարը:

Նախ եւ առաջ նշենք, որ Հայաստան մասնակից չէր 25 ապրիլ 1915-էն 9 Յունուար 1916 երկարած Չանաքքալէի ճակատամարտին, սակայն նախագիծին մէջ ներառուած է: Երկրորդ՝ Թուրքիոյ եւ Հայաստանի կողքին նախագիծին մէջ ներառուած են Յունաստանը, Պուլկարիան, Իտալիան,

Մակեդոնիան, Սլովակիան, Հունգարիան եւ Ռումանիան, որոնց մեծամասնութիւնը Թուրքիոյ դրացի երկիրներ են: Երրորդ՝ կը բացակային այդ ճակատամարտին առնչակից գլխաւոր դերակատարները՝ Բրիտանիան, Աւստրալիան, Ֆրանսան, Գերմանիան ու Աւստրիան: Վերոյիշեալները կը վկայեն ծրագիրին ետին քաղաքական նպատակներու գոյութեան մասին:

Հայաստանը նշեալ նախաձեռնութեան մէջ ներառելով թրքական կողմը դրացիներու հետ յարաբերութիւններու բարելաման ընդհանուր նպատակին կողքին նաեւ կը հետապնդէ յատուկ նպատակ մը՝ Հայոց ցեղասպանութեան 100-ամեակի քարոզչական ճակատամարտին մէջ հայկական կողմի նախաձեռնութիւններու հակակշռումը:

Ճակատամարտի մը 100-ամեակը կ'օգտագործուի խաղաղութիւն ջատագովելու համար, ինչ որ ազնիւ նպատակի մը երեւոյթը ունի, սակայն նենգամիտ հնարք մըն է, որուն իսկական նպատակը «լուսամիտ», «յառաջադէմ» ու «լայնախոհ» հայեր այս ծրագիրին մէջ ներգրաւելով՝ հայ-թրքական հաշտութեան մը պատրանքը ստեղծելն է, ինչպէս նաեւ փարիզեան իրադարձութիւններէն ետք՝ ծայրայեղականութեան դէմ յաւելեալ թափ ստացող պայքարի լոյսին տակ՝ միջազգային հասարակական կարծիքին մօտ չափաւորական հայու եւ ծայրայեղական հայու կարծրատիպերու ստեղծումն է: Համամարդկային ու միջազգային արժէքներէ եւ արժէչափերէ շլացած հայեր դիրութեամբ կրնան իյնալ իրենց համար լարուած թակարդը: Անոնք պէտք է գիտակցին, թէ թրքական կողմը հետաքրքրողը հայ մասնակիցներու թիւն է եւ ոչ թէ անոնց կարծիքն ու տեսակէտը: Թրքական կողմը այդ թիւը պիտի օգտագործէ քարոզչական նպատակներով շահագործման եւ վերոնշեալ կարծրատիպերու ստեղծման համար:

Հայոց ցեղասպանութեան հարցը խաղաղութիւն-պատերազմ երկճիւղութեան առնչակից չէ, այլ՝ իրաւունք-անիրաւութեան, ճշմարտութիւն-սուտի եւ ճանաչում-ժխտումի: Հայոց ցեղասպանութեան 100-ամեակը կարելի չէ Չանաքքալէի ճակատամարտի 100-ամեակով հակակշռել: Այդ մէկը «լուսագոյն» պարագային շատ սահմանափակ եւ ժամանակաւոր արդիւնք կրնայ տալ: Թրքական կողմը ի վերջոյ պէտք է հասկնայ, որ փրկութիւնը հնարքներուն մէջ չէ, այլ՝ ճշմարտութեան ու արդարութեան:

ՎԱՀՐԱՍ ԷՍՄԻԵԱՆ

ԿՆՈՋԱԿԱՆ

Ուտելիքներ, Որոնք Սառնարանը Պէտք Զէ Պահել

Ճիշդ է, որ սառնարանին մէջ շատ մը ուտելիքներ աւելի երկար եւ թարմ կը մնան, սակայն կան ուրիշներ, որոնք սառնարանին մէջ կը կորսնցնեն իրենց սննդական արժէքը կամ որոշ յատկութիւններ: Ահաւասիկ ցանկը.



1-Կծու թացանները պաղ միջավայրի մէջ կը կորսնցնեն իրենց կարգ մը յատկանիշները: Նախընտրելի է զանոնք պահել սենեակի ջերմաստիճանով, լոյսէ եւ խոնաւութենէ հեռու:

2-Թելադրելի է գետնախնձորը պահել թուղթէ տոպրակի մէջ, լոյսէ եւ խոնաւութենէ հեռու: Սառնարանին մէջ կամ կերպընկալ տոպրակի մէջ անիկա կը ծլի եւ կը փճանայ:


3-Հացը մեծաքանակ մի՛ գնէք եւ սառնարանը երկար մի՛ պահէք: Հացին իսկական համն ու բոյրը վայելելու համար զայն պահեցէք սենեակի ջերմութեամբ:

4-Սոխը նոյնպէս պէտք է պահել չոր եւ մութ տեղ մը, նախընտրաբար՝ թուղթէ տոպրակի մէջ: Թելադրելի է սոխն ու գետնախնձորը միասին չպահել, քանի որ երկուքն ալ կը փտին:



5-Բոլորս ալ լոյիկը սառնարանը կը պահենք: Եթէ կ'ուզէք անոր իսկական բոյրն ու համը վայելել, պէտք է զայն պահէք սենեակի ջերմաստիճանով կամ թուղթէ տոպրակի մէջ, որպէսզի բնական ձեւով հասունանայ եւ համը պահպանէ:

6-Աւոքատոն սառնարանը կարելի է պահել, երբ ամբողջովին հասունցած է: Մէկ շաբաթէն աւելի երկար մի՛ պահէք եւ մանաւանդ շերտուած մի՛ պահէք, որպէսզի չսենայ:



7-Մխտորի գլուխները սառնարանը մի՛ պահէք, անոնք լոյսէ եւ խոնաւութենէ հեռու ամիսներ կը դիմանան: Մինչդեռ կեղււրուած եւ ապակեայ շիշերու մէջ դրուած մխտորի պճեղները կարելի է ամիս մը, նոյնիսկ աւելի՝ սառնարանը պահել:

8-Սուրճը իր համը կը փոխէ սառնարանը պահուելու պարագային: Չայն պահեցէք սենեակի ջերմաստիճանով, ապահով կափարիչով օժտուած ապակեայ շիշի մէջ:

9-Յանձնարարելի է ձմերուկն ու սեխը, ինչպէս նաեւ դեղձը պահել սառնարանէն դուրս, այլապէս կը կորսնցնեն իրենց համը եւ մանաւանդ՝ բոյրը:

10-Չէթը պէտք է պահել ապակեայ շիշի մէջ. զայն զետեղեցէք լոյսէ եւ խոնաւութենէ հեռու տեղ մը:

www.aztarar.com

Ի՞նչ Բաներ Կնոջ Մը Տարիքը Աւելի Մեծ Ցոյց Կու Տան

Ահաւասիկ՝ 10 ազդակներ, որոնք կնոջ տարիքը կը մեծցնեն.

- 1.- Ժամանակէն առաջ ճերմկած մազերը:
- 2.- Թորշոմած, կախուած պարանոցը:
- 3.- Չխնամուած ձեռքերը:
- 4.- Տարիքին անհամապատասխան հագուածքը:
- 5.- Վառ եւ չափազանցուած դիմայարդարումը:
- 6.- Ծանր օծանելիքները:
- 7.- Կանխահաս կնճիռները:
- 8.- Թոյլ մարմինի կառոյցը:
- 9.- Չափազանցուած պղնձագոյն մորթը (արեւի լոզանքի կամ արուեստական ճառագայթներու միջոցով):
- 10.- Յոգնած եւ խամրած աչքերն ու նայուածքը:



Այս անպատեհութիւններուն մեծ մասը կարելի է կանխարգիլել մարզանքով, առողջ սննդառութեամբ, պատշաճ հագուածքով եւ շպարով եւ այլն...

ՅԱՅՏԱՐԱՐՈՒԹԻՒՆ

ՀՈՎԱՆԱԻՈՐՈՒԹԵԱՄԲ՝
Գերպ. Տ. Մասիս Ծ. Վրդ. Զօպույեանի
ԿԱԶՄԱԿԵՐՊՈՒԹԵԱՄԲ՝
ՔՈՒԷՅԹԻ ՀԱՅ ԴԱՏԻ ՅԱՆՁՆԱԽՈՒՄԲԻ

ԿԼՈՐ ՍԵՂԱՆ

**«Ի՞նչ կորսնցուցինք Ցեղասպանութեան
հետեւանքով»**

Տեղի կ'ունենայ **Չորեքշաբթի, 21 Յունուար 2015-ին**, երեկոյեան
ժամը 8:30-ին, Սրբոց Վարդանանց եկեղեցոյ մէջ
Բոլորդ սիրով հրաւիրուած էք :



ԱՌԱՋՆՈՐԴԱՐԱՆ ՀԱՅՈՑ ՔՈՒԷՅԹԻ ԹԵՄԻՆ

P.O.BOX 8157, Salmiyeh 22052 – KUWAIT – Tel:25614392, e-mail: prelacy@armenianprelacykw.org

Գոհունակութեամբ կ'ուզենք տեղեկացնել, թե՛ Քուէյթի գաղութը Հայոց Յեղասպանութեան միջազգային դատարանի ծախսերուն մասնակցեցաւ 50.000\$ գումարով: Գումարը 2014 Դեկտեմբեր ամսու աւարտին փոխանցուեցաւ Մեծի Տանն Կիլիկիոյ Կաթողիկոսարան, Անթիլիաս-Լիբանան: Կը յիշեցնենք մեր ժողովուրդի զաւակներուն, որ Մեծի Տանն Կիլիկիոյ Գահակալ՝ Ն.Ս.Օ.Տ.Տ. Արամ Ա. Կաթողիկոսի նախաձեռնութեամբ միջազգային դատարան պիտի բացուի Թուրք պետութեան դէմ՝ վերատիրանալու Թուրքիոյ մէջ գտնուող Սիսի դարաւոր Կաթողիկոսարանին, որ սեփականութիւնն է համայն հայ ժողովուրդին: Այս առթիւ կը գնահատենք բոլոր բարերարները, որոնք մասնակցեցան 50.000\$-ի գոյացման եւ ստորեւ կը ներկայացնենք անոնց անունները:

- Պրն. Ժագ Պարտաքճեան 5000 \$
- Պրն. Կիրակոս Տարաքճեան 5000 \$
- Պրն. Մելիք Մելիքսէթեան 5000 \$
- Պրն. Ալեքսան Պերպէրեան 5000 \$
- Պրն. Անուշաւան Նազարեան 5000 \$
- Պրն. Ժոզէֆ Սեփիլեան 5000 \$
- Պրն. Սամուէլ Պոյաճեան 5000 \$
- Պրնք. Աստուրեան Եղբարք Արամ եւ Գարլօ 2500 \$
- Պրն. Ֆիլիփ Փաթաթանեան 2500 \$
- Պրն. Կոստան Մոմճեան 1500 \$
- Պրն. Չարեհ Յակոբեան 1500 \$
- Պրնք. Պետիրեան եղբարք Յակոբ եւ Յարութ 1000\$
- Տիկ. Թամար Նազգաշեան 1000 \$
- Տիկ. Մարլէն Նազգաշեան 1000 \$
- Օրդ. Շուշիկ Ճուպանեան 1000 \$
- Պրն. Յարութ Չաքարեան 1000 \$
- Պրն. Վարդան Նարինեան 500 \$
- Պրն. Ռաֆֆի Յովսէփեան 500\$
- Պրն. Գրիգոր Թովմասեան 500\$
- Պրն. Թովմաս Ուզաթմաճեան 500\$

Քուէյթի Ազգային Առաջնորդարան